

詩

家

直

說

重刻謝山人

說序

夫韻學難言矣言韻先言因
言因先言至蓋詩三百而下
大曆開元綦盛邇其由來誰
非負笈雅風而問津騷漢

尚因然而因者或其情境觸
而調法合才景臨而聲藻肖
必足以至彼作者涯涘模得
其具體焉歆抵掌乎叔教湏
逼真于優孟是因難而至尤
難也不佞釋褐后思一步武

韻學而未窺其徑維時昌邑

邢惟欽席臯京兆携有謝四

溟詩家直說不佞受而讀之

恍然有悟手抄一編司李天

水不啻飲食及浮湛中外垂

十餘年手編逸散夢想以之

歲庚戌于役東海式廬邢公
得原編喜如探鑲又慮其踵
天水也付鍛青氏夫詩之有
家家之有說各標門戶說人
人殊說高渺而穿天心探月
背則虞深說幽婉而曲谿黥

幻迷階躡則虞險必徑捷

顯簡縷貫條剖乃稱直哉

秦之于詩精于因矣且精于

至矣以其所至發其所因與

七子上下揚屹會其精髓酣

講讐析旁引遠擷時以已意

撮其勝而特為宣朗頗使
者開而憤者醒煥乎如賈胡
巨肆珠瑤服膺各呈其異
芬乎如青鳳吉光飄煖而羽羽
皆奇又爛乎如金谷錦障長
四十里而色藥花映瞥眼不

暇蓋一發簡瞭然指掌執王
元美以醅醕擬時義一則曰
從乳得酪從酪得酥一則曰
次埵連盛醅醕則醅醕以陶
甒盛醅醕則醅醕故善學韻
者曷常廢因也特其天韻迥

殊苞造各判若陶甌瑤璣然
而格調有昂卑氣藻有邃易
句法有穩鑿則所至不一而
酥酪之辨耳得直說而存之
采其液啜其精窺其一斑究
其全豹庶幾哉情真而語道

意高而調協卽其才境何所
之而不入繩墨者因格而俟
感以脫卑因藻而精思以脫
易因法而出句以脫鑿因因
而不滯于因或因問出于因之
外而妙運于因之中誰謂直

說非前茅邪或謂不佞法上
得中人情乎橫睨層開儘堪
采博彼山人耳拾游唾釘鯁
訓詁顧何當于作者柰何誤
嗜如飴而示人以纖隘為不
佞以為不然當今之士腹笥

參筆幅巾寬裾而以山人自
雄者何可更僕然口漢唐而
胷烏有其生寥寥者不少也
茂秦雖遊于山人乎醴酒漳
河桐圭傾倒儼然一小客星
而掉三寸弄丸乞火出廬生

于垂瘦直令蒼鷹斂手解羅
織去即古稱朱劇何遜焉耿
耿節俠百載猶生及狎牛耳
跨何張李以著書立言大是
玄亭漆園之致詩說者特珠
之英而玉之屑耳剗馥餘芬

尚能鼓吹詞巫司南筆苑詎
不為初學大裨益哉噫嘻不
佞固初學者也知有茂秦而
已矣

萬曆辛亥春正月

賜進士第山東登州海防道

右叅政都門亭本緯書于

蓬萊閣

重刻謝山人詩家直說名氏

登州府知府黃體仁

同知燕汝靖

通判劉汝桂

推官張綰同校

蓬萊縣知縣邢琦校刊

詩家直說卷之一

東郡謝榛茂秦甫著

三百篇直寫性情靡不高古雖其逸詩漢人尚不可
及今學之者務去聲律以爲高古殊不知文隨世
變且有六朝唐宋影子有意於古而終非古也

唐山夫人房中樂十七章格韻高嚴規模簡古駿騁
乎商周之頌迨蘇李五言一出詩體變矣無復爲
漢初樂章以繼風雅惜哉

詩以漢魏並言魏不逮漢也建安之作率多平仄
帖此聲律之漸而後流於六朝千變萬化至盛唐

極矣

詩有可解不可解不必解若水月鏡花勿泥其迹可也

越裳操止三句不言白雉而意自見所謂大樂必易是也及班固白雉詩加之形容古體變矣

傅玄艷歌行全襲陌上桑但曰天地正厥位願君改其圖蓋欲辭嚴義正以裨風教殊不知使君自有婦羅敷自有夫已含此意不失樂府本色

木蘭詞後篇不當作末曰忠孝兩不渝千古之名焉可滅此亦玄之見也

詩文以氣格爲主繁簡勿論或以用字簡約爲古未
達權變善用助語字若孔雀之尾不可少也太自
深得此法予讀文則冀越記鶴林玉露皆謂作古
文不可去助語字俱引檀弓沐浴佩玉爲證予兄
畧同

作詩繁簡各有其宜譬諸衆星麗天孤霞捧日無不
可觀若孔雀東南飛南山有鳥是也

六朝以來留連光景之弊蓋自三百篇北興中來然
抽黃對白自爲一體

紫騮馬歌曰燒火燒野田野鴨飛上天此古詞也折

柳行曰然然施行違厥罰隨事來亦古辭也陌上
桑曰駕虹霓乘赤雲登彼九疑歷玉門此魏武帝
之作也秋胡行曰思與王喬乘雲遊八極此嵇康
之作也董逃行曰遙望五嶽端黃金爲闕班璘此
魏人擬作也古人命題措辭如此歐陽公小雅兩
無正之名據序所言與詩絕異當闕其所疑
題外命意善作者得之不然流於迂遠矣

揚雄作反騷廣騷班彪作悼騷梁棟亦作悼騷摯虞
作慙騷應奉作感騷漢魏以來作者續紛無出屈
宋之外

詩曰觀閔既多受侮不少初無意於對也十有言云
胡馬依北風越鳥巢南枝屬對雖切亦自古老亦
初惟淵明得之若荒草何茫茫白楊亦蕭蕭是也
凡作近體誦要好聽要好觀要好講要好誦之行雲
流水聽之金聲玉振觀之明霞散綺講之獨滿抽
絲此詩家四關使一關未過則非佳句矣

詩有造物一句不工則一篇不純是造物不完也造
物之妙悟者得之譬諸產一嬰兒形體雖具不可
無啼聲也趙王枕易曰全篇工致而不流動則神
氣索然亦造物不完也

古采蓮曲隴頭流水歌皆不協聲韻而有清朗遺意
作詩不可用難字若柳子厚奉寄張使君八十韻之
作篇長韻險逞其間學故爾

唐律女工也六朝隋唐之表亦女工也此體自不可
少

魏武帝善哉行七解魏文帝煌煌京洛行五解全用
古人事實不可泥於詩法論之

作詩雖貴古淡而富麗不可無譬如松篁之於桃李
布帛之於錦繡也

詩至三謝廼有唐調香山九老廼有宋調胡元諸公

頗有唐調國朝何大復李空同憲章子美翕然成
風吾不知百年後又何如爾

杜子美詩日出籬東水雲生舍北泥竹高鳴翡翠沙
僻舞鷗鷄此一句一意摘一句亦成詩也蓋嘉運
詩打起黃鶯兒莫教枝上啼啼時驚妾夢不得到
遼西此一篇一意摘一句不成詩矣

用事多則流於議論子美雖爲詩史氣格自高

世說新語謝公問諸子弟毛詩何句最佳玄曰昔我
往矣楊柳依依今我來思雨雪霏霏聖經若論佳
句譬諸九天而較其高也嚴滄浪曰漢魏古詩氣

象渾厚難以句摘况三百篇乎滄浪知詩矣

陶潛不仕宋所著詩文但書甲子韓渥不仕梁所著
詩文亦書甲子渥節行似潛而詩綺靡蓋所養不
及爾薛西原曰立節行易養性情難

輟耕錄曰樊宗師絳守居園池記艱深奇澁人莫能
誦宋王殿劉忱爲之註釋趙仁舉爲之句讀誠可
恠也韓退之作宗師墓誌銘曰文從字順各識識
蓋譏之也退之城南聯句意深語晦相去幾何

古詩之韻如三百篇協用者西北有高樓上與浮雲
齊是也如洪武韻互用者灼灼園中葵朝露待日

晞是也如沈韻拘用者有烏西南飛媚媚似蒼鷹
是也漢人用韻參差沈約類譜始爲嚴整早發定
山尚用山先二韻及唐以詩取士遂爲定式後世
因之不復古矣楊誠齋曰今之禮部韻乃是限制
士子成文不許出韻因難以見工爾至於吟咏性
情當以國風離騷爲法又奚禮部韻之拘哉鄒國
忠曰不用沈韻豈得謂之唐詩古詩自有所叶如
靡室靡家玁狁之故曹大家字本此

詩宜擇韻若秋丹平易之類作家自然出奇若聯
麤俗之類諷誦而無音響若鏤搜艱險之類意在

使人難押

鶴林玉露曰詩惟拙句最難至於拙則渾然天成工巧不足言矣若子美雷聲忽送千峰雨花氣渾如百和香之類語平意奇何以言拙劉禹錫望夫石詩望來已是幾千載只是當年初望時陳后山謂辭拙意工是也

餘師錄曰文不可無者有四曰體曰志曰氣曰韻作詩亦然體貴正大志貴高遠氣貴雄渾韻貴雋永四者之本非養無以發其真非悟無以入其妙

塵史曰王得仁謂七言始於垓下歌栢梁篇祖之劉

存以交交黃鳥止於桑爲七言之始合兩句爲一
韻矣大雅曰維昔之富不如時頌曰學有緝熙於
光明此爲七言之始亦非也蓋始於擊壤歌帝力
於我何有哉雅頌之後有南山歌子產歌採芻婦
歌易水歌皆有七言而未成篇及大招百句小招
七十句七言已盛於楚但以寥寥辭間之而觀者
弗詳焉

賈誼惜誓賦曰惜乎年老而日衰兮歲忽忽而不返
黃鵠神龍猶如此兮况賢者之逢亂世哉誼年三
十而曰衰老遭際漢文而曰亂世氣短量狹如此

漢史証傳獨載弔屈原鵬鳥二賦而無此篇洪興
祖以爲瓌異奇偉非証莫能及而并錄傳中豈與
祖誤邪

謝瞻從宋公戲馬臺送孔令曰聖心眷佳節揚鑾
行宮謝靈運曰良辰感聖心雲旗興幕節是時晉
帝尚存二公世臣媚裕若此靈運人曰韓亡子房
奮秦帝魯連耻何前倣而後忠也

漢書曰不歌而誦謂之賦若子虛上林可誦不可歌
也然亦有可歌者若長門賦曰夫何一佳人兮步
道遙以自虞魂踰佚而不返兮形枯槁而獨居惇

李夫人賦曰美連娟以脩嫫兮命操絕而不長飾
新宮以延佇兮泯不歸乎故鄉二賦情詞悲壯韻
調鏗鏘與歌詩何異

謝靈運擬魏文帝芙蓉池之作過於體帖宴賢之際
何乃自陳德業哉

江淹擬劉琨用韻整齊造語沈著不如越石吐出心肺
作詩譬諸用兵慎敵則勝命題雖易不可率然下筆
至於渾化無施不可

罪雪錄曰唐詩如貴介公子舉止風流宋詩如三家
村乍富人盛服揖賓辭容鄙俗殊不知老農亦有

名言貴介公子不能道者林逋曰茂陵他日求遺稿猶喜曾無封禪書此乃反唐人之意寶庠曰漢家若欲論封禪須及相如未病時

韋蘇州曰憲裏人將老門前樹已秋白樂天曰樹初黃葉日人欲白頭時司空曙曰雨中黃葉樹燈下白頭人三詩同一機杼司空爲優香狀目前之景無限凄感見乎言表

魏武帝短歌行全用鹿鳴四句不如蘇武鹿鳴思野草可以喻佳賓點化爲妙沉吟至今可接明明如月何必小雅哉蓋以養賢自任而牢籠天下也真

西山不取此篇賞矣又觀藝文類聚所載魏武帝
短歌行曰對酒當歡人生幾何譬如朝露去日苦
多明明如月何時可掇憂從中來不可斷絕月明
星稀烏鵲南飛繞樹三匝無枝可依山不在高水
不在深周公吐哺天下歸心歐陽而云其半尤爲
簡當意貫而語從也

劉才甫曰魏武短歌行意多不貫當作七解可也

黃山谷曰彼喜解者類其大旨取其發興於所遇
林泉人物草木魚蟲以爲物物皆有所託如世間
商度隱語則詩委地矣予所謂可解不可解不必

解與此意同

七言絕句盛唐諸公用韻最嚴大曆以下稍有旁出者作者當以盛唐爲法盛唐人突然而起以韻爲主意到辭工不假雕飾或命意得句以韻發端渾成無迹此所以爲盛唐也宋人專重轉合刻意精鍊或難於起句借同轉韻牽強成章此所以爲宋也

七言絕律起句借韻謂之孤鴈出羣宋人多有之寧用仄字勿借平字若子美先帝貴妃俱寂寞諸葛大名垂宇宙是也

山房隨筆四禽言予錄其一曰鵲鵲鵲鵲鵲帳房
過野相喧呼阿姊含羞對阿妹大嫂揮涕看小姑
一家不幸俱被擄猶幸同處爲妻孥願言相憐莫
相妬這箇不是親丈夫此作可悲讀者尚不堪況
遭其時乎

晉傅咸集七經語爲詩北齊劉畫綈綴一賦名爲六
合魏收曰賦名六合其愚已甚及觀其賦又愚於
名後之集句肇於此

唐人集句謂之四體宋王介甫石曼卿喜爲之大率
逞其博記云爾不更一字以取其便務搜一句以

補其闕一篇之作十倍之工久則動襲古人殆無
新語黃山谷所謂正堪一笑也

玉海曰胡笳十八拍四卷漢蔡琰撰幽憤成此曲以
入琴中唐劉商宋王安石李元白各以集句效琰
好奇甚矣

漢武帝栢梁臺成詔羣臣能爲七言者乃得與坐有
曰總領天下誠難治有曰和撫四夷不易哉有曰
三輔盜賊天下危有曰盜隔南山爲民灾有曰外
家公主不可治是時君臣宴樂相爲警誡猶有三
代之風後世以詩諷諫而獲罪者可勝嘆哉

託物寓意貴乎渾成犯題亦可不犯亦可若子美黑
鷹不省人間有雙飛玉立並清秋是也范德機明
暗之說繫矣

許渾金陵懷古曰英雄一去豪華盡惟有青山似洛
中蓋謂江左君臣偏安一隅無復中原之志感慨
深矣林夢屏直把杭州作汴州意出於此而語不
逮

古杭雜記曰白塔橋邊買地經長亭短驛甚分明如
何祇說臨安路不較中原有幾程此詩可哀可恨
南渡君臣得無愧乎

閒談錄葛天民嘗北梨詩曰甘酸尚帶中原味腸斷
春風不見花此作意婉味長不減唐調

雲僊散錄杜甫寓蜀蕭然好興甚字窮行乞曰如或
相憫惠我一絲兩絲自京赴奉先詩曰老妻既異
縣十口隔風雪誰能久不顧厥往共飢溺入門聞
號咷幼子飢已卒吾寧捨一衣里巷猶嗚咽所愧
爲人父無食致天折于美貧到骨矣千載之下使
人酸鼻乎鄭誠陝雨詩曰七月雨多煙火稀茅堂
燕雀傍人飛山妻自是憐兒女不顧秋風要典衣
東哲補亡詩對偶精切辭語流麗不脫六朝氣習

蘇軾詩曰木蘭歌朔氣傳金柝寒光照鐵衣酷似太白非漢魏人語左舜齊曰況有可汗大點兵之句乃唐人無疑魏太武時柔然已號可汗非始於唐也通篇較之太白殊不相類

薛孟詩雖之變也昭君歌風之變也三百篇後二作得體梁太子不取昭君何哉

馬柳泉讀子嘆曰貧家有子貧亦嬌骨肉恩重那能拋飢寒生死不相保割腸賣兒爲奴曹此時一別何時見遍撫兒身祗兒面有命豐年來贖兒無命九泉抱長怨囑兒切莫憂爺孃憂思成病誰汝將

抱頭頓足哭聲絕悲風颯颯天茫茫此作一讀則
改容再讀則下淚三讀則斷腸矣

漢武帝秋風起兮白雲飛出自大風起兮雲飛揚蘭
有秀兮菊有芳懷佳人兮不能忘出自沅有芷兮
澧有蘭思公子兮未敢言漢武讀書故有沿襲漢
高不讀書多出己意

李師中送唐介錯綜寒山兩韻謂之進退格李賀已
有此體殆不可法

范德機曰詩當取材於漢魏而音律以唐爲宗此近
體之法古詩不泥音律而調自高也

國寶新編曰唐風既成辭自爲格不與雅頌同趣漢
魏變於雅頌唐詩變於國風雅言多盡風辭則微
今以雅文爲詩者實不濟於宋也此王欽佩似爲
律詩而言非古體之法也

五言詩皆用實字者如齊已山寺鐘樓月江城鼓
角風此聯儘合聲律要含虛活意乃佳詩中亦有
三昧何獨不悟此邪予亦效顰曰漁樵秋草路鷄
犬夕陽村

左太冲魏都賦曰八極可圖於寸眸予美乾坤萬里
眼之句意本於此若曰眸則不佳

陸機文賦曰詩緣情而綺靡賦體物而瀏亮夫綺靡
重六朝之弊瀏亮非兩漢之體徐昌穀曰詩緣情
而綺靡則陸生之所知固魏詩之查穢耳

高仲武謂李灣菊詩曰愛氣何曾異開花獨自遲哀
而不傷深荷風人之旨末曰忍葉東籬下看隨秋
草衰不如過時而不采將隨秋草萎溫厚有氣

李頎贈張旭詩曰立子持蟹螯右手執丹經此用畢
卓語旣持蟹螯又執丹經豈命人舉杯耶蓋偶然
寫興以寄意爾沈嘉禾望山詩曰長安百萬家家
張屏新誰家最好我願爲其鄰然好山非近一

家何必擇鄰哉此亦爲興害意與顧同病也

唐人歌詩如唱曲字字有聲協絲簧諸音節晚唐格卑聲調猶在及宋柳耆卿周美成輩出能爲一代新聲詩與詞爲一物是以宋詩不入絃歌也

蓋嘉運所製樂府曰胡渭州雙帶子蓋羅縫水鼓子此皆絕句迷漫成行旅之懷與趙全無干涉或被之管絃調法不同今之詞名類此則論燒火燒野田諸作恐亦此意邪

律詩重在對偶妙在虛實字美多用實字高適多用虛字惟虛字極難不善學者失之實字多則意簡

而句健虛字多則意繁而句弱趙子昂所謂兩聯
眞實是也

子美和裴迪早梅相憶之作兩聯用二十二虛字句
法老健意味深長非巨筆不能到

韋應物曰江漢曾爲客相逢每醉還浮雲一別後流
水十年間歡笑情如舊蕭疎聲已斑何由不歸去
淮上有秋山此篇多用虛字辭達有味

李西涯曰詩用實字易明虛字難熾唐人善用虛字
開口呼喚悠揚委曲皆在於此用之不善則柔弱
緩散不復可振夏正大謂淵翁善用虛字若萬古

乾坤此江水百年風日幾重陽是也西涯虛實以
字言之子昂虛實以句言之二公所論不同如此
景多則堆垛情多則闡發大家無此失矣八句皆景
者子美棘樹寒雲色是也八句皆情者子美死去
憑誰報是也

詩法曰事文類聚不可用蓋宋事多也後引蘇黃之
詩以爲式教以養生之訣繼以致病之物可乎

嚴滄浪曰學其上僅得其中學其中斯爲下矣甚有
不法前賢而法同時者李洞曹松學賈島唐彥謙
學溫庭筠盧延讓學薛能趙嘏常學黃山谷予筆

之以爲學者誠

蘇子卿曰明月照高樓想見餘光輝子美曰落月滿
屋梁猶疑照顏色庾信曰落花與紫蓋齊飛楊柳
共春旗一色王勃曰落霞與孤鶩齊飛秋水共長
天一色梁簡文曰濕花枝覺重宿鳥羽飛遲韋蘇
州曰漠漠帆來重冥冥鳥去遲三者雖有所祖然
青愈於藍矣

秦嘉妻徐淑曰身非形影何得動而輒俱體非比目
何得同而不離陽方曰惟願長無別合形作一身
駱賓王曰與君相向轉相親與君雙栖共一身張

籍曰我今與子非一身安得死生不相棄何仲默
曰與君非一身安得不離別數語同出一律仲默
尤爲簡妙

金鍼詩格曰內意欲盡其理外意欲盡其象內外涵
蓄方入詩格若子美旌旗日暖龍蛇動宮殿風微
燕雀高是也此固上乘之論殆非盛唐之法且如
賈至王維岑參諸聯皆非內意謂之不入詩格可
乎然格高氣暢自是盛唐家數太白曰剗却君山
好平鋪湘水流巴陵無限酒醉殺洞庭秋迄今膾
炙人口謂有含蓄則鑿矣

寫景迷事宜實而不泥乎實有實用而害於詩者有
虛用而無害於詩者此詩之權衡也

予與李元博秋日郊行荆榛夾徑草蟲之聲不絕元
博曰凡秋夜賦詩多用蛩螿而晝則弗用何哉予
曰此實用而害於詩所謂鑿子在穎則醜是也

貫休曰庭花濛濛水泠泠小兒啼索樹上鶯景實而
無趣太白曰燕山雪花大如席片片吹落軒轅臺
景虛而有味

謝惠連屯雲蔽層嶺驚風涌飛流一篇句法雷同殊
無變化

江淹擬顏延年辭致典經得應制之體但不變句法
大家或不拘此

詩有辭前意辭後意唐人兼之婉而有味渾而無迹
宋人必先命意涉於理路殊無思致及讀世說文
生於情情生於文王武子先得之矣

宋人謂作詩貴先立意李白斗酒百篇豈先立許多
意思而後措詞哉蓋意隨筆生不假布置

唐人或漫然成詩自有含蓄託諷此爲辭前意讀者
謂之有激而作殊非作者意也

左舜齊曰一句一意意絕而氣貫此絕句之法一句

一意不工亦下也兩句一意工亦上也以工爲主
勿以句論趙韓所選唐人絕句後兩句皆一意齊
齊之說本於楊仲弘

唐人詩法六格宋人廣爲十三曰一字血脉二字貫
串一字棟梁數字連序中斷鉤鎖連環順流直下
卑拋雙拋內剝外剝前散後散謂之屠龍絕藝作
者泥此何以成一代詩家邪

尋逝我梁燕發我笳我躬不閱遑恤我後嚶嚶草蟲
趨趨阜螽亦見君子憂心忡忡此二詩風雅重出
後人錯爲口實而蹈襲也

詩蓋新詩乃四言長篇之祖忠厚有餘溫厚不足
太白雪謚詩百憂章去聲蓋遠矣崔道融述唐事
寶武十九篇志於高古而力不逮

四言古詩當法三百篇不可作秦漢以下之語顏延
年宴曲水詩曰航琛越水簞賁踰嶧郊祀歌曰月
御紫霓壘鼎扶輪譬如清廟鼓瑟箏以和之審音
者自不亂其聽也

班姬託扇以昭怨應璩託鴈以言懷皆非徒作沈約
咏月曰方暉竟戶入圓影隙中來刻意形容殊無
遠韻

堆垛古人謂之點鬼簿太白長篇用之自不爲病蓋
本於屈原

史詩勿輕作或已事相觸或時政相關或獨出斷案
若胡曾百篇一律且無景感慨而已平城詩曰當
時已自少壯何事無人殺秦秦望夫石詩曰古
來節婦皆如此獨爾不爲泉下塵惟此二絕得體
篇之法外景初作一層累於下層拙句不失大
體巧句歸於正氣

唐詩杜甫帶月孤城抱大江節使往朝宗果果
山萬依然水土隆京華遙此日疲老颯如冬糲

能言烏啣恩向九重此律詩用古韻也李賀詠馬
曰白鐵剗青禾碁間落細沙世人憐小頸金絡愛
長牙此絕亦用古韻也詩不可爲法

徐幹室思曰浮雲何洋洋願因通我辭一逝不可歸

嘯歌又踟躕人離皆從命我獨無友期自君之出
矣明鏡開不冶思君如流水何有窮已時宋孝武
帝擬之曰自君之出矣金翠暗無精思君如日月
迴環晝夜生暨諸賢擬之遂以自君之出矣爲題
楊仲弘謂五言絕句乃古詩末四句所以意味悠
長蓋本於此

吳筠曰才勝商山四文高竹林七駱賓王曰冰泮有
銜蘆盧照鄰曰幽谷有綿蠻陳子昂曰銜杯且對
劉高適曰歸來洛陽無負郭李頎曰由來輕七尺
唐彦謙曰耳聞明王提三尺眼見愚民盜一抔此
皆歎後何鄭五之多邪

曹子建白馬篇曰白馬飾金羈連翩西北馳借問誰
家子幽并遊俠兒此類盛唐絕句

魏文帝曰梧桐攀鳳翼雲雨散洪池曹子建曰遊魚
潛綠水翔鳥薄天飛阮籍曰存亡從變化日月有
浮沉張華曰洪鈞陶萬類大塊稟羣生左思曰皓

天舒白日靈景耀神州張協曰金風扇素節丹霞
啓陰期潘岳曰兩陸迎修景朱明送末垂陸機曰
逝矣經天日悲哉帶地川以上雖爲律句全篇高
古及靈運古律相半至謝朓全爲律矣

枚乘始作七發後有傅毅七激張衡七辯崔駰七依
馬融七廣劉向七畧劉梁七舉崔琦七蠲桓麟七
說李尤七欸劉廣世七興曹子建七啓徐幹七喻
王粲七釋劉邵七華陸機七徵孔偉七引湛方生
七歡張協七命顏延之七繹竟陵王七要蕭子範
七誘諸公馳騁文詞而欲齊驅枚乘大抵機括相

同而優劣判矣趙王枕易曰七發來自鬼谷子七
箝之篇

文式曰詞溫而正謂之德謝靈運南州實炎德桂樹
陵寒山是也然出於屈子嘉南州之炎德兮麗桂
樹之冬榮

蔡琰曰薄志節兮念死難魏武帝曰周公吐哺天下
歸心既以周公自任又曰天命在吾吾爲周文王
矣老瞞如此欺人詩貴乎真文姬得之

詩有不立意造句以興爲主漫然成篇此詩之入化
也

陸厥子安歌曰安陵泣前魚劉長卿湘妃廟曰未
作湘南雨知爲何處雲盧仝贈馬異曰神農畫八
卦陽敬之客思曰細腰沉趙女唐彥謙新豐曰半
夜素靈先哭楚此皆用事之謬

江淹有古離別梁簡文劉孝威皆有蜀道難及太白
作古離別蜀道難題時事雖用古題體格變化
若疾雷破山顛風簸海非神於詩者不能道也

陸暢作蜀道易以謏章舉翻案太白辭義粗淺

杜牧之清明詩同借問酒家何處有牧童遙指杏花
村此作宛然入畫但氣格不高或易之曰酒家何

處是江上杏花村此有感唐調子擬之曰日斜人
策馬酒肆杏花西不用問春情景自見

劉禹錫懷古詩曰舊時王謝堂前燕飛入尋常百姓
家或易之曰王謝堂前燕今飛百姓家此作不傷
氣格上擬之曰王謝堂前燕裏堂前燕子落誰
家此非奇語只是講得不細

唐無已寄外舅郭大夫詩曰巴蜀迴歸使妻孥且定
居深知報消息不眠聞河如身健何妨遠情深米
肯疎功名欺老病淚盡數行書趙章泉謂此作絕
似子美然兩聯爲韻所牽虛字太多而無餘味若

取前後爲絕句氣骨不減盛唐

僧處默勝果寺詩到江吳地盡隔岸越山多陳后山
鍊成一句吳越到江分或謂簡妙勝默作此到字
未穩若更爲吳越一江分天然之句也

葉平蕩暮春即事一首雙雙瓦雀行書案點點楊花
入硯池間坐小窗讀周易不知春去幾多時俱削
上二字仍是宋人絕句

詩人玉屑偷語謂之鈍賊傅長虞日月光太清陳后
主日月光天德是也然太清不宜用光字陳句渾
厚有氣此述者優於作者

耿湣贈田家翁詩蠶屋朝寒閉田家晝雨閒此寫出
村居景象但上句語拙朝晝二字合掌若作田家
閒晝雨蠶屋閉春寒亦是王孟手段

九起句當如爆竹驟響易徹結句當如撞鐘清音有
餘鄭谷淮上別友詩君向瀟湘我向秦此結如爆
竹而無餘音予易爲起句足成一首曰君向瀟湘
我向秦揚花愁殺渡江人數聲長笛離亭外落日
空江不見春

江總平海若無流馬周潮平似不流杜甫江平若不
流三公造語相類馬句穩而佳

陽惠王派人編云朝朝問水難云云云難此篇兩

用難字為韻則其樂亦難矣救曾人勵

志故論人此亦兩用入字為意猶存而

不沈滯韻沈隱侯曰馬備云上蘭輕舉出

樓蘭綏聲歌以堆較信滅空則騰空此二篇

亦兩用蘭字空字為韻大隱侯知定聲韻為詩家

措式何乃自重其韻使人藉為實所謂肅何造

律而自犯之也

杜少陵避人焚諫草之句善用平祐事此即晏子諫

子美星垂平野闊月湧大江流句法森嚴湧字尤奇
可嚴則嚴不可嚴則放過些子若鴻鴈幾時到江
湖秋水多意在一貫又晚間雅不凡矣

白樂天昭君詩曰漢使却回憑寄語黃金何日贖蛾
眉君主若問妾顏色莫道不如宮裏時此雖不忘
君而辭意兩拙予因之效顰曰使者南歸重妾思
黃金何日贖蛾眉漢家天子如相問莫道容光異
舊時

離騷語雖是必當古渾然漢人因之便覺費力

永元帝春日詩用二十三春字鮑參和亦用二十

九新字不及淵明之清詩片三二字畧無虛設
字字有味

予初試吏客行自笑之謂其爲俗搜賸場蕪得錦貂
裘而無餘音遂笑之曰云寒甚難酒家樓擲下
簾並不掉頭走馬下山射雉曉曉來風雪蒲貂裘
子美少年行結何空前首相類因擬之曰倒酒
肆掘胡牀指點銀鞋索酒管連爲戲春不醉醉直
醉曰馬赴長楊

詩家直說卷之二

東郡謝榛茂秦甫著

詩有簡而妙者若劉楨仰視白日光皎皎高且懸不
如傅玄日月光太清阮籍一身不自保何況戀妻
子不如裴說避亂一身多戴叔倫還作江南會翻
疑夢裏逢不如司空曙乍見翻疑夢沈約及爾同
衰暮非復別離時不如崔塗老別故交難衛萬不
捲珠簾見江水不如子美江色映疎簾劉猛可耻
垂拱時老作在家女不如浩然端居耻聖明徐凝
千古還同白練飛一條界破青山色不如劉友賢

飛泉界石門張九齡謬忝爲邦寄多懸理人術不
如韋應物邑有流亡愧俸錢張良器龍門如可涉
忠信是舟梁不如高適忠信涉波濤佳塗漸與骨
肉遠轉於僮僕親不如王維久客親僮僕李適輕
帆截浦拂荷來不如浩然揚帆截海行亦有簡而
弗佳者若鮑泉夕鳥飛向月不如曹孟德月明星
稀烏鵲南飛蘇頲雙珠代月移不如宋之問不愁
明月盡自有夜珠來劉禹錫欲問江深淺應如遠
別情不如太白請君試問東流水別意與之誰短
長陸機三荆歡同株不如許渾荆樹有花兄弟樂

王初河梁返照上征衣不如子美駉駉桑榆日照
我征衣裳武元衡夢逐春風到洛城不如顧況歸
夢不知湖水闊夜來還到洛陽城陳季數曲暮山
青不如錢起曲終人不見江上數峯青李義山江
上晴雲雜雨雲不如劉夢得東邊日出西邊雨道
是無情還有情王融灑淚與行波不如子美故憑
錦水將雙淚好過瞿唐滄浪堆李洞藥杵聲中搗
殘夢不如柳子厚日午睡覺無餘聲山重隔竹敲

茶曰

詩中淚字若沾衣沾裳通用不爲剽竊多有出奇者

潘岳曰涕淚應情隕子美曰近淚無乾土太白曰
淚盡日南珠劉禹錫曰巴人淚應猿聲落賈島曰
淚落故山遠孟雲卿曰至哀反無淚何仲默曰笛
裏一年淚李獻吉曰萬古關山淚盧仝曰黃金鑲
裏鑄出相思淚此太涉險怪矣

上官師游翠華七真洞讀壁上詩曰紛披容與縱
笙歌光轉光風麗綺羅露濕桃花春不管月明芳
草夜如何瑞珠浩蕩隨園樵雲旆低回射玉珂深
入醉鄉休秉燭盡情揮取魯陽戈耶律丞相門客
趙衍所作清麗有味頗類唐調惜乎大元風雅不

載故表而出之

大篇決流短章飲茫李杜得之大篇約爲短章涵蓄
有味短章化爲大篇敷演露骨

捫蹶新語曰詩有格有韻淵明悠然見南山之句格
高也康樂東風輕暖草之句韻勝也格高似梅花
韻勝似海棠欲韻勝者易欲格高者難兼此二者
惟李杜得之矣

許彥周曰作詩淺易鄙陋之氣不除熟讀李義山黃
魯直之詩則去之譬諸醫家用藥稍不精潔疾復
存焉彥周之謂也

陳后山曰學者不由黃韓而爲老杜則失之淺易此
與彥周同病

陸士衡日出東南隅謝靈運還舊園沈休文拜陵廟
皆不過二十韻洛陽偉玉用五十韻獻湘東王迨
子美幾府廼有百韻

詩以一句爲主落於某韻意隨字生豈必先立意哉
楊仲弘所謂得句意在其中是也

三國典畧曰邢邵謂魏收之文剽竊任昉魏收謂邢
邵之賦剽竊沈約蓋六朝氣習如此近有剽竊何
者其二子之類歟

類文見曰梁武帝問王筠江太子戲每許為押韻
晚唐多效之迨宋人尤其本朝則建武詠梅花自
押上韻百篇其多也

許敬宗魏江令九月三日言賀次韻初唐絕不多見
羅隱曰世祖升遐夫子死原陵不及公以詩吊之
世祖功臣三十六家豪爭似劍心高直與天同
風莫逐輕花去恐引漁人入洞來謝靈運詩花飛
莫遣隨流水怕有漁郎來問津袁郊曰唐武備尋
無覓處不知天上却容奸羅宗吉曰唐弄空能殘
九日不知月棄却容私范謝瞿皆出袒襲瞿得點

化之妙

韓退之辯賈島島宿池邊樹借敲月下門爲佳句未
若秋風吹渭水落葉滿長安氣象雄渾大類盛唐
六篇古風最爲醇熟意不可盡力不可竭貴有變化
之妙

淮南王曰王孫遊兮不歸春草生兮萋萋陸機曰芳
草久已茂佳人之意不歸謝靈運詩秋更綠公干
大石歸王維曰春草年年綠王孫不歸詩人往
注渭城淮南王遊一思新意王維曰春草年年綠
綠草莫送春春人何在只恐春風吹落紅

陳后主曰日月光天德山河壯帝居氣象宏闊辭語
精確爲子美五言句法之祖

律詩雖宜顏色兩聯貴乎一濃一淡若兩聯濃前後
四句淡則可若前後四句濃中間兩聯淡則不可
亦有八句皆濃者唐四傑有之八句皆淡者孟浩
然韋應物有之非筆力純粹必有偏枯之病

臞僊詩譜以太白長安一片月爲張李應之作不知
何據然清響殊非晉人氣格

徐陵雜曲曰張星舊在天河上從來張姓本連天蓋
指張麗華而言是時陳后主最寵麗華此奉諛之

辭爾

李空同評孟浩然送朱二詩曰不是長篇手段浩然
五言古詩近體清新高妙不下李杜但七言長篇
語平氣緩若曲澗流泉而無風捲江河之勢空同
之評是矣

李拯讀史曰佳人自折一枝紅把唱新詞曲未終惟
向眼前憐易落不如拋擲任東風謝靈運山謂寓梁
武事未詳詠史宜明白斷案章碣曰坑灰未冷山
東亂劉項元來不讀書此孰不知邪

太白曰蒼梧山崩湘水竭張籍曰菖蒲花開月長滿

李賀二十七畢貫斷嫦娥死此同一機軸賀句更奇
三王天言賦曰并吞四夷飲枯河海跋越九州無所
容止小言賦曰無內之中微物生焉比之無象言
之無名視之則渺渺望之則冥冥離婁爲之嘆閼
神明不能察其情二賦出於列子皆不爲內梁昭
明太子大言詩曰觀脩鯨其若轍鮒視鰲之如
溫鰲經二儀而跼踖跨六合以翔翔細詩曰坐
卧鄰空虛憑附鰲頭翼越咫尺而三秋度毫釐而
九息此祖宋玉而無謂蓋以文爲戲爾

樂書伏羲造琴瑟以律呂樂曰立其神農樂曰下謀

黃帝樂曰咸池蓋樂始於伏羲而成於黃帝是以
清和上升風俗丕變未有詩也李西涯謂詩爲樂
始誤矣何妥曰伏羲減瑟文王足琴抑先伏羲有
瑟邪

莊子曰儵魚出遊從容是魚樂也白居易曰獺捕魚
來魚躍出此非魚樂是魚驚翻案莊子而無趣家
語曰水至清則無魚杜子美曰水清反多魚翻案
家語而有味

或曰詩適情之具染翰成章自然高妙何必苦思以
鑒其真予曰新詩改罷自長吟此少陵苦思處使

不深入溟渤焉得驪頷之珠哉

詩不厭改貴乎精也唐人改之自是唐語宋人改之自是宋語格調不同故爾省悟可以超脫豈徒斲削而已

作詩勿自滿若識者詆訶則易之雖盛唐名家亦有罅隙可議所謂瑜不掩瑕是也已成家數有疵易露家數未成有疵難評

古人之作必正定而後出若丁敬禮之服曹子建袁宏之服王洵王洵之服王誕張融之服徐覲之薛道衡之服高構隋文帝之服庾肩直古人服善類

如此

詩有天機待時而發觸物而成雖幽尋苦索不易得也如戴石屏春水渡傍渡夕陽山外山屬對精確工非一朝所謂盡日覓不得有時還自來

詩以兩聯爲主起結輔之渾然一氣或以起句爲主此順流之勢興在一時

皇甫湜曰陶詩切於事情但不文爾湜非知淵明者淵明最有性情使加藻飾無異鮑謝何以發真趣於偶爾寄至味於澹然陳后山亦有是評蓋本於湜

趙章泉韓礪泉所選唐人絕句惟取中正溫厚閒雅
平易若夫雄渾悲壯奇特沉鬱皆不之取惜哉洪
容齋所選唐人絕句不擇美惡但脩數爾間多僊
鬼之作出於偏裨小說尤不可取
虎稱和邊處四時怨頗似太白絕句

李太白曰襟前袂後綠欵眠色山上海霞收夕霏此用
謝康樂之句但加四字王摩詰曰落葉木蘭黃白
鷺陰陰夏木轉黃鸝雖用李商隱之語加此四字
獎健自別

意巧則減若劉禹錫遙望洞庭湖水面白銀盤裏一

昔蠟是也何巧則此若許用晦魚下碧潭當鏡躍
鳥鳴音嶂拂屏邪是也

神琳曰蠟試日月遠年命將西傾陸機曰容華夙夜
凋落生自損茲物何難停吾壽安得延謝靈運
曰夕照臨月流朝忌照日馳李長吉曰天東有若
木下置衙燭龍吾將斬龍足嚼龍肉使之明不得
迴夜不得伏自然老者不死少者不哭此皆氣短
無名氏曰人生不滿百常懷千歲憂晝短苦夜長
何不秉燭遊此作感慨而氣悠長也

嚴滄浪從軍行曰翩翩雙白馬結束向幽燕借問誰

家子邯鄲俠少年
彎弓隨漢月
拂劍倚胡天
說與單于道
今秋莫近邊
此作不減盛唐
但起承全襲
子建白馬篇

松石軒詩評全是詩料且深於詩何以啓發初學

鍾嶸詩品專論源流若幽潛出於應蒙
應璩出於魏文
魏文出於李陵
李陵出於屈原
何其一脉不同
邪

蔡文姬胡笳十八拍曰城南烽火不曾滅
疆場征戰何時歇
殺氣朝朝衝塞門
胡風夜夜吹邊月
此爲太白古風句法之祖

漢武內傳上元夫人彈雲林之瑟歌步玄之曲曰綠
景清鴈起雲蓋映朱葩蘭房闌琳闕碧室啓瑤沙
此歌華麗無味或六朝麝作西王母白雲謠曰白
雲在天丘陵自出道路悠遠山川間之將子無死
尚能復來辭簡意盡高古莫及

王建留別杜侍御曰有川不得涉有路不得行沉沉
百夢中一日如一生此語無異孟郊末曰願君去
隴阪長使道路平此結頗類子美

屈宋爲詞賦之祖荀卿六賦自創機軸不可例論相
如善學楚詞而馳騁太過子建骨氣漸弱體製亦猶

存庾信春賦圖多詩語賦體始大變庾子美曰庾
信平生最蕭瑟暮年詞賦動江關託以自寓非稱
信也

曉溪漫志曰斜律金敷勒歌曰敷勒川陰山下天似
穹廡籠蓋四野天蒼蒼野茫茫風吹草低見牛羊
金不知畫圖於劉項能發自然之妙韓昌黎以操
雖古涉於摹擬未若金出性情爾

詩有四格曰興曰起曰意曰理太白贈汪倫曰桃花
潭水深千尺不及汪倫送我情此興也陸龜蒙詠
白蓮曰無隔有恨何人見月曉風清欲墮時此趣

也王建宮詞曰自是桃花人負結子錯教人恨五更
風此意也李涉上于襄陽曰下馬獨來尋故事逢
人惟說峴山碑此理也悟者得之庸心以求或失
之矣

趙章泉謂作詩貴乎似此傳神寫照之法常充其學
識養其氣魄或李或杜順其自然而已

作詩要割愛若俱爲佳句間有相妨者必較重輕而
去之此文賦所謂離之則雙美合之則兩傷士衡
先得之矣

遊天壇山賦七言一律天畔飛霞照萬山尋易山

字爲茶遂成絕句曰度嶺攀崖自一筇黃冠竹下
偶相逢振衣直上昇僊石天畔飛霞照萬峯此亦
割愛之法

韓昌黎曰婦人不下堂遊子在萬里託興高遠有風
人之旨杜少陵曰丈夫則帶甲婦人終在家此文
不逮意韓詩爲優

陳陶送沈以魯曰高臺送歸客滿握軒轅風落日一
揮手金鷺雲雨空鰲洲石梁外劍浦羅浮東茲興
不可接脩脩煙際鴻此有太白聲調隴西行曰可
憐無定河邊骨猶是春閨夢裏人此語悽婉味長

嚴滄浪謂陶最無可觀何也

詩無神氣猶繪日月而無光彩學李杜者勿執於句
字之間當率意熟讀久而得之此提魂攝魄之法
也

謝靈運池塘生春草造語天然清景可畫有聲有色
乃是六朝家數與夫青青河畔草不同葉少蘊但
論天然非也又曰若作池邊庭前俱不佳非關聲
色而何

子美曰碧知湖外草紅見海東雲此景固佳然知見
二字著力至於一徑野花落孤村春水生便覺自

然

學詩者當如臨字之法若子美日出籬東水則曰月
墮竹西峯若雲生合北泥則曰雲起屋西山久而
入悟不假臨矣

予賦牡丹曰花神默默歿春殘京洛名家識面難國
色從來有人妬莫教紅袖倚闌干及讀半士謬郡
中即事曰紅香落盡暗香殘葉上秋光白露寒越
女含情已無限莫教長袖倚闌干因與暗合遂刪
已作予每讀古人詩有全句同者即於稿中改竄
杜子美七歌本於十八拍文天祥六歌與杜異世同

悲李獻吉亦有七歌惜非其時爾

今之學子美者處富有而言窮愁遇承平而言干戈不老曰老無病曰病此摹擬太甚殊非性情之真也

劉真父評嚴維曰柳塘春水慢花塢夕陽遲夕陽遲則繁花春水慢何須柳也此聯妙於狀景華而不靡精而不刻真父之說鑒矣

劉禹錫贈白樂天兩聯用兩高字雪裏高山頭白早于公必有高門廢自註曰高山本高高門使之高二義不同自怨如此兩聯最忌重字或犯首尾可

矣子美曰江閣邀賓許馬迎醉於馬上往來輕正
維曰尚衣方進翠雲裘萬國衣冠拜冕旒二公重
字不害爲大家

江有汜乃三言之始追天馬歌體製脩矣嚴滄浪謂
創自夏侯湛蓋泥於白氏六帖

六言體起於谷永陸機長篇一韻追張說劉長卿八
句王維皇甫冉四句長短不同優劣自見若君道
曲中庭有樹自語梧桐推枝布葉此雖高古亦太
寂寥

九言體無名氏擬之曰昨夜西風擺落千林稍渡頭

小舟捲入寒塘切聲調散緩而無氣魄惟太白長篇突出兩句殊不可及若上有六龍回日之高標下有衝波逆折之迴川是也

四言體始於康衢歌暨三百篇則盛矣滄浪謂起自韋孟非也

三百篇已有聲律若蕭瑟蒼蒼白露爲霜暨離騷洞庭波兮木葉下之類漸多六朝以來黃鐘瓦缶審音者自能辨之

文式放情曰歌體如行書曰行兼之曰歌行快直詳盡曰行悲如蛩蛩曰吟讀之使人思怨委曲盡情

曰曲宜委曲諸音通乎俚俗曰謠宜隱蓄近俗載
始末曰引宜引而不發此雖體式猶欠變通蓋同
名異體同體異名耳同名者若瓠子決今將奈何
此瓠子歌也陟彼北印兮噫此五噫歌也四夷既
獲諸夏康兮此琴歌也桂華馮馮翼翼承天之則
此房中歌也失我焉支山令我婦女無顏色此何
奴歌也鮑氏駟三人司隸再入公此鮑司隸歌也
悲歌可以當泣遠望可以當歸此悲歌也東方欲
明星爛爛此鷄鳴歌也太乙况天馬下此天馬歌
也青青黃黃雀石頽唐此地驅樂歌也水中之馬

必有陸地之船此前緩聲歌也江邊黃竹子堪作
女兒箱此黃竹歌也春風宛轉入曲房此挾瑟歌
也帝悅於允執矩固司藏此白帝歌也是邪非邪
此李夫人歌也同體者若北上太行山艱哉何巍
巍此苦寒行也邂逅承際會得充君後房此同聲
歌也管丘負海曲沃野爽且平此齊驅樂也我本
良家子將適單于庭此明妃辭也關東有義士興
兵討羣兇此嵩里曲也主人且勿喧賤子歌一言
此東武吟也虎嘯谷風起龍躍景雲浮此合歡詩
也置酒廣殿上親友從我遊此笙篴引也白馬解

角弓鳴鞭乘北風此白馬篇也中散不偶世本目
餐霞人此五君詠也處虛實不染被褐重懷珍此
善門頌也紫煙世不覩赤鱗庖所捐此白雲贊也
體無定體名無定名莫不疑斯二者悟者得之措
詞短長意足而止隨意命名人莫能易所謂信手
拈來頭頭是道也

捫蝨新話曰文中有詩則語句精確詩中有文則詞
調流暢而引謝玄暉唐子西之說胡氏誤矣李斯
上秦皇帝書文中之詩也子美北征篇詩中之文
也

武元康曰文有聲律皆似詩詩不粗鄙皆是文

杜約夫曰六朝文中有詩宋朝詩中有文

楊仲弘律詩三十四格謂自杜甫門人吳成鄒遂傳其法然窘於法度殆非正宗

范德機曰絕句則先得後兩句律詩則先得中四句當以神氣爲主全篇渾成無鉅釘之迹唐人間有此法

融離合體寶韜妻廻文體鮑照十數體建除體謝莊道里名體梁簡文帝卦名體梁元帝歌曲名體姓名體鳥名體獸名體龜兆名體鍼穴名體將軍

名體宮殿名體屋名體車名體船名體草名體樹
名體沈炯六府體入音體六甲體十二屬體魏晉
以降多務纖巧此變之變也

古辭曰黃藥向春生苦心隨日長又曰霧露隱芙蓉
見蓮不分明又曰石闕生口中銜碑不得語又曰
菖蒲花可憐聞名不相識又曰桑蠶不作繭晝夜
長懸絲又曰理絲入殘機何悟不成匹又曰桐樹
不結花何由得梧子又曰殺荷不斷藕蓮心已復
生此皆吳格措物借意李義山曰春蠶到老絲方
盡蠟燭成灰淚始乾劉禹錫曰東邊日出西邊雨

道是無情還有情措詞流麗酷似六朝蘇子瞻曰
破衫尚有重逢日一飯何曾忘却時造語殊乏風
致

詩曰游環曾歷陰勒塗續又曰鈎膺鏤錫鞞淩懷
此語艱深奇澁殆不可讀韓柳五言有法此者後
學當以爲誡

屈原曰衆人皆醉我獨醒王績曰眼看人盡醉何忍
獨爲醒左思曰功成不受爵長揖歸田廬太白曰
若待功成拂衣去武陵桃花笑殺人王李二公弄
於翻案于美曰明年此會知誰健醉把茱萸仔細

看劉浚曰不用茱萸仔細看官取明年各強健太拙而無意味楊誠齋翻案法專指宋人何也

李靖曰正而無奇則守將也奇而無正則鬪將也奇正皆得國之輔也譬諸詩發言平易而循乎繩墨法之正也發言雋偉而不拘乎繩墨法之奇也平易而不執泥雋偉而不險怪此奇正參伍之法也白樂天正而不奇李長吉奇而不正奇正參伍李杜是也

洪興祖曰三百篇比賦多而興少離騷興少而比賦多予嘗考之三百篇賦七百二十興三百七十比

一百一十洪氏之說誤矣

法言曰堯舜之道皇今夏商周之道將今而以延其
光今子雲法言以準論語學屈原且不及况孔子
哉

文筌曰五言絕句主情景七言絕句主意事又曰五
言絕句撇景入事七言絕句掉句入情前後之法
何相反邪

陳繹曾曰凡律高則用重律中則用正律下則用子
律大要欲調句耳詩至於化自然合律何必庸心
爲哉

劉禹錫曰建安里中兒聯歌竹枝聆其音中黃鍾之羽其卒章激訐如吳聲雖傖儻不可分而含思宛轉有淇澳之艷音也唐去漢魏樂府為近故歌詩尚論律呂夢得亦審音者不獨工於辭藻而已李西涯聞老善詩門下多詞客劉梅庵聞老忌之聞人學詩則叱之曰就作到李杜只是酒徒李空同謂劉因噎廢食是也

陸士規能詩秦檜門客也來自湘楚謁檜檜以小樽不與接見因小相誦其過黃陵廟詩曰東風吹草綠離離路出黃陵古廟西帝子不知春又去亂山

無主鷓鴣啼檜稱賞不已待之如初噫檜亦尚詩也哉

李西涯久於相位陸滄浪以詩諷之曰聲名高與斗山齊伴食中書日已西回首湘江春草綠鷓鴣啼
罷子規啼

詩人玉屑集唐人句法悉分其類有裨於初學但風騷句法皆有標題若馬倦時銜草人疲數望城則曰公明布卦若芹泥隨燕嘴花蕊上蜂鬚則曰東方占鵲殆與棋譜牌譜相類論詩不宜如此

子美五言絕句皆平韻律體景多而情少太白五言

絕句平韻律體無仄韻古體景少而情多二公各盡其妙

許用晦金陵懷古領聯簡板對爾頸聯當贈遠遊者似有戒慎意若刪其兩聯則氣象雄渾不下太白絕句

律詩無好結句謂之虎頭鼠尾即當擺脫常格復出不測之語若天馬行空渾然無迹張祐金山寺之作則有此失也

子美居夔州上句曰春知催柳別農事聞人說別說同韻王維溫泉上句曰新豐樹裏行人度聞道其

泉能獻賦度賦同韻此非詩家正法章碣上句皆
用翰韻尤可怪也

歡紅爲韻不雅子美老農何有聲交歡娟娟花蕊紅
之類愁青爲韻便佳若子美更有澄江銷客愁石
壁斷空青之類凡用韻審其可否句法瀏亮可以
詠歌矣

孫太初曰到處論交山最賢以山爲賢蓋有所祖周
禮曰輪人五分其轂之長去一以爲賢禮記曰其
賢於某若干純謝靈運曰豈以名利之擄而賢於
清曠之域哉唐太宗曰李勣守并州突厥不敢南

賢於長城遠矣

子美曰細雨荷鋤立江猿吟翠屏此語宛然入畫情景適會與造物同其妙非沉思苦索而得之也

李林甫瑀嶽應制曰雲收二華出天轉五星來十月農初罷三驅禮後開兩聯皆用數目字不可爲法王摩詰送立爲曰五湖三畝宅萬里一歸人此聯疊用數目字不爲病也

章孝標下第曰連雲大厦無棲處更傍誰家門戶飛後及第曰馬頭漸入揚州路爲報時人洗眼看其量狹大類孟郊

淵明詠雪曰傾耳無希聲在目皓已結此語殆似顏
謝羅大經謂其輕虛潔白盡在於是但識其趣體
則未也

排律結句不宜對偶若劉峽州江湖多白鳥天地有
青蠅似無歸宿

五言律首句用韻宜突然而起勢不可遏若子美落
日在簾鉤是也若許渾天晚日沉沉便無力矣

崔後渠贈予詩曰三月清洄上翩翩兩度來摘詞頗
玉海弔古賦銅臺岐路揚朱淚江湖李白孟令公
今謝事迴首尚憐才揚朱李白自然的對我呈詩

曰衛青師自老魏絳賞何功較之後渠精確不及
詩以佳句爲主精鍊成章自無敗句所謂善人在坐
君子俱來

瀛奎律髓不可讀間有宋詩純駁於心發語或唐或
宋不成一家終不可治淵言長語曰若讀瀛奎律
髓要人自擇

盧仝曰相思一夜梅花發忽到窻前疑是君孫太初
曰夜來夢到西湖路白石灘頭鷗是君此從玉川
變化亦有風致

詩不可太切太切則流於宋矣

武元衡曰殘雲帶雨過春城韓致光曰斷雲含雨入
孤村二句巧思不及子美澹雲疎雨過高城句滋
自然

方干未明先見海底日良久遠鷄方報晨方晦叔山
鷄未鳴海日出此簡妙勝干矣

作詩最忌蹈襲若語工字簡勝於古人所謂化陳腐
爲新奇是也

李頻曰星臨劍閣動花落錦江流譬諸佳人掌而對
壯士拳也若曰月落錦江寒便相敵矣

金學士王庭筠黃花山一絕頗有太白聲調詩曰掛

銀臺西掛玉龍半山飛雪舞天風興雲直上三千
尺人道高歡避暑宮邊華泉謂詩與行草俱入化
矣

于美不遭天寶之亂何以發忠憤之氣成百代之宗
國朝何仲默亦遭壬申之亂但過於哀傷爾

空同子曰古詩妙在形容所謂水月鏡花言外之言
宋以後則直陳之矣求工於句字心勞而日拙也
枚氏七發非必於七也文渙而成七後之作者無
七而必於七然皆俳語也杜甫見道過韓愈如白
小羣分命文章有神交有道隨風潛入夜水流心

不競出門流水住等語皆是道也王維詩高者似
禪卑者似僧奉佛之應人心係則難脫

馬子端曰楚詞悲感激迫獨摘頌一篇溫厚委曲于
美明霞高可食即維北有斗不可以挹酒漿之意
張崇德曰屈原天問全學莊子天運莊子寓乎忘形
屈原滯於孤憤

李仲清曰陳伯玉詩高出六朝惟淵明乃其伉儷者
當與兩漢文字同觀

杜約夫曰宋人論詩甚嚴無乃唐人之癭歟呂紫薇
所謂文章水上癭約夫暗合孫吳爾

徐伯傳問詩法於康對山曰熟讀太白長篇則骨次
含弘神思超越下筆殊有氣也

黃司務問詩法於李空同因指塲圃中葦豆而言曰
顏色而已此即陸機所謂詩緣情而綺靡是也

李獻吉極苦思詩垂成如一二句弗工即棄之田涿
父見而惜之獻吉曰是自家物終久還來

何仲默詩曰元日王正月傳呼晚殿班千官齊鵠立
萬國候龍顏辨色旌旗入衝星劍珮還聖躬無乃
倦幾欲問當關李獻吉改爲不敢問當關曹仲禮
曰吾舅所改未若仲默元句

趙子昂曰作詩但用隋唐以下故事便不古也當以隋唐以上爲主此論執矣隋唐以上泛用則可隋唐以下泛用則不可學者自當斟酌不落凡調

漢人作賦必讀萬卷書以養有次離騷爲主山海經輿地志爾雅諸書爲輔又必精於六書識所以來自能作用若揚旆戍削飛轂垂髻之類命意宏博措辭富麗千彙萬狀出有入無氣質一篇意歸數語此長卿所以大過人者也

宋之問鬢髮俄成素丹心已作灰子美白髮千莖雪丹心一寸灰張說洞房懸月影高枕聽江流子美

踈簾殘月影高枕遠江聲李羣玉水流寧有意雲
泛本無心子美水流心不競雲在意俱遲徐鼎勣
翠巢書幌鴛鴦立釣磯子美翡翠鳴衣桁蜻蛉立
釣絲韋莊百年流水盡萬事落花空子美流水生
涯盡浮雲世事空陳陶九江春水闊三峽暮雲深
子美九江春草外三峽暮帆前諸公句意相類子
美自優

子建詩多有虛字用工處唐人詩眼本於此爾若朱
華冒綠池時雨淨飛塵松子久吾欺列坐竟長筵
嚴霜依玉除遠望周千里其平仄妥貼尚有古意

鮑防雜感詩曰五月荔枝初破顏朝離象郡夕函關
此作託諷不露杜牧之華清宮詩曰一騎紅塵妃
子笑無人知是荔枝來二絕皆指一事淺深自見
吳筠覽古詩曰蘇生佩六印奕奕爲殃源主父食五
鼎昭昭成禍根李斯佐二辟巨鑿鍾其門霍孟翼
三后伊戚及後昆此古體敘事文勢使然蓋出於
無意也若分爲兩篇皆謂之隔句對自與近體不
同爾

杜約夫問曰點景寫情孰難予曰詩中比興固多情
景各有難易若江湖遊宦羈旅會晤舟中其飛揚

輒軻老少悲歡感時話舊靡不慨然言情近於議
論把握佳則不失唐體否則流於宋調此寫情難
於景也中唐人漸有之冬夜園亭具樽俎延社中
詞流時庭雪皓目梅月向人清景可愛模寫似易
如各賦一聯擬摩詰有聲之畫其不雷同而超絕
者詎不多見此點景難於情也惟盛唐人得之約
夫曰子能發情景之蘊以至極致滄浪輩未嘗道
也

太白夜宿荀媪家聞比鄰春臼之聲以起興遂得
女夜春寒之句然本韻盤食二字應用以夜宿五

松下發端下句意重辭拙使無後六句必不
韻此太白近體先得聯者豈得順流直下哉附時
云夜宿五松下寂寥無所歡田家秋作苦鄰女夜
春寒踰進雕胡飯月光明素盤令人慙漂母三謝
不能食

傳咸螢火賦雖無補於日月兮期自照於陋形當朝
陽而戢景兮必宵昧而是征進不竟於天光兮退
在晦而能明駱賓王賦光不周物明足自資處幽
不昧居照斯晦二子各有託寓繁簡不同子美暗
飛螢自照之句意愈簡而辭愈工也